

جریدہ علمیہ

مشیخت جلیلہ اسلامیکہ جریدہ رسمیہ سیدر

رجب سنہ ۱۳۴۰

عدد ۷۳

شمذیلک آیدہ بر نشر اولتور

بدیخی سنہ

مقررات نقضیه

مقرریکوی قاضیالکنتک ۲۶ محرم ۳۳۹ تاریخلی اعلامک اسباب نقضیه سی
مهری مطابق ایسه ده بوجه مشروح ایقاع طلاق حقنده شهادت مذکور مذک
قبولنک وجهی غیر ظاهر اولدینی کی مدعیه وکیلی مذکور بروش وسم چانطه نك حین
عقدده مشروط اولدینی ادعا ایتش وحادثه مقدار مهرده اختلافه منجر اولمش اولمغه نتیجه
متبینه سنه کوره حل وفصل اولنق اقتضا ایده جکندن وبرمنوال محرر انقضاء عدت حقنده
مدار موقوف ایدوکندن وسأرهدن سبکی مختل اولمغین بو صورتده استینافاً محاکمه سی
ضمننده قاضیسکرلک محکمه سنه تودیع اولنق اوزره محکمه سنه اعاده قلندی .

* *

اسکدار قاضیالکنتک ۱۵ ذی القعدة ۳۳۸ تاریخلی اعلامک اسباب نقضیه سی
حجت مذکورده حاضنه ام مزبورده نك معسره اولدینه وبر نهج شرعی تحلیفی اجرا
ایدلایکینه تعرض اولنمادیغندن سبکی نقصان وخاللدن غیر خالی اولمغین بوضورتده استینافاً
محاکمه اجرایی ضمننده قاضیسکرلک محکمه سنه تودیع ایدمک اوزره محکمه سنه اعاده
قلندی .

* *

استانبول قاضی مشاورلکنتک ۲۶ محرم ۳۳۹ تاریخلی اعلامک اسباب نقضیه سی
اعلام مذکورده مدعی عایها مزبورده نك روش افاده سنه کوره مزبورده نعمتک دخی
جلب واستجوابیله نتیجه متبینه سنه کوره حادثه نك حل وفصلی اقتضا ایده جکندن شایان
قبول اولمغین بوضورتده استینافاً محاکمه سی ضمننده قاضیسکرلک محکمه سنه تودیع ایدمک
اوزره محکمه سنه اعاده قلندی .

* *

استانبول قاضیالکنتک ۴ محرم ۳۳۹ تاریخلی اعلامک اسباب نقضیه سی
اعلام مذکورده محکی تفیذ ایدیلاان اعلام ظهرنده محرر اولدینی اوزره نقض
ایدلمش اولدینندن اشبو اعلام دخی حکمسز اولمغه شایان قبول اولمغین بوضورتده
استینافاً محاکمه سی ضمننده قاضیسکرلک محکمه سنه تودیع اولنق اوزره محکمه سنه اعاده
قلندی .

* *

استانبول قاضیلرکنک ۲۲ رمضان ۳۳۸ تاریخلی اعلامنک اسباب نقضیه سی
اعلام مذکورده محکمکی مصدق اعلام ایله مدعیه مؤکله مزبورده نك نشوزی تحقق
ایلدیکن وولدینی مستصحباً اطاعتنه حکم اولندقدنصکره ناشزه مزبورده نك امینه اولمادیغنه
ومؤکلنک بلا تقدیر صغیره مزبورده نی انصافه حاضر بولندیغنه دائر مدعی علیه وکیلنک
افاده سی دخی نظر اعتباره آلمیه رق ناشزه مزبورده نك طایب اوزرینه بوجه محرر نفقه
تقدیرینه و مزبورده اذن اعطاسنه تصدی ایلمسنک وجهی غیر ظاهر اولدیغندن شایان
قبول اولماغین بوضورتده استینافاً محاکمه اجرایی ضمننده قاضیعیسکرلک محکمه سنه
تودیعی اولنق اوزره محکمه سنه اعاده قلندی .

* *

استانبول قاضیلرکنک ۴ محرم ۳۳۹ تاریخلی اعلامنک اسباب نقضیه سی
اعلام مذکورده نشوزک مستدانه اولیان نفقه ماضیه نی دخی اسقاط ایده چکی نظر
تفته آلماش و محکمکی اعلام تاریخنه قدر تراکم ایدن نفقه نك مستدانه اولوب اولمادیغنی حتمده
تدقیقات مقضیه اجرا ایلماش اولدیغندن شایان قبول اولماغین بوضورتده استینافاً
محاکمه اجرایی ضمننده قاضیعیسکرلک محکمه سنه تودیعی اولنق اوزره محکمه سنه اعاده
قلندی .

* *

استانبول قاضی مشاورلرکنک ۲۹ محرم ۳۳۹ تاریخلی جتنک اسباب نقضیه سی
حجت مذکورده مدعی علیه وکیل مزبور مدعیه مزبورده نك اولاد سائره سنک
یسرنی ادعا ایتمش اولمغله حادثه ده بوجهت برنهیج شرعی حل وفصل اولنقمسزین بوجه
محرر نفقه تقدیری خلاف اصول اولمغین بوضورتده استینافاً اجرای محاکمه سی ضمننده
قاضیعیسکرلک محکمه سنه اعاده قلندی .

* *

اوقاف قاضیلرکنک ۲۰ رمضان ۳۳۸ تاریخلی اعلامنک اسباب نقضیه سی
اعلام مذکورده مدعیه مؤکله مزبورده نك صورت ادعاسنه نظراً شهادت مذکورده
حزبه کفایده اولمادیغندن سبکی نقصان و خاللدن غیر خالی اولمغین بوضورتده استینافاً
محاکمه سی ضمننده قاضیعیسکرلک محکمه سنه اعاده قلندی .

* *

استانبول قاضیلکنک ۸ محرم ۳۳۹ تاریخلی جشک اسباب نقضیه سی

حجت مذ کورده مدعیستان مزبور تانک بابالری مدعی علیه مزبورک طلبی وجهه
نفسه ضمی ایجاب ایدر ایکن بوجه محرر نفقه تقدیری اصولندم اولمادیغندن سبکی
نقصان و خللدن غیر خالی اولمغین بوضورنده استینافاً اجرای محاکمه سی ضمننده قاضی عسکرلک
محکمه سنه تودیع ایدلک اوزره محکمه سنه اعاده قلندی .

* *

اوقاف قاضیلکنک ۱۰ شوال ۳۳۸ تاریخلی اعلامک اسباب نقضیه سی

اعلام مذ کورده مدعی علیهارک منزل مذ کورده کی تصرفلری سبب ملک اولور
مستند شرعییه مستند وتصرف قدیم دخی تداول ایادی ایله ملکیت اوزره جاری اولدیغی
روش اشعاردن منظم اولمغله بوجهتک تحقیق جالنده تسجیل وقفی اثبات مقتضی بولدیغی
و حادثه مرور زمان بولوب بولمادیغی تدقیق ایدلماقتی اولدیغی جهته متناً و ظهراً شایان
قبول اولمغین بوضورنده استینافاً محاکمه اجرای ضمننده قاضی عسکرلک محکمه سنه تودیع
اولونمق اوزره محکمه سنه تودیع قلندی .

* *

استانبول قاضی مشاورلکنک ۲۷ ربیع الاول ۳۳۹ تاریخلی اعلامک اسباب نقضیه سی

اعلام مذ کورده بوجه محرر معاینه اولنان اوطنک بومرتبه ایله مسکن شرعی
اولدیغک وجهی غیر ظاهر اولدیغندن سبکی نقصان و خللدن غیر خالی اولمغین بوضورنده
استینافاً محاکمه اجرای ضمننده قاضی عسکرلک محکمه سنه تودیع ایدلک اوزره محکمه سنه
اعاده قلندی .

* *

چتالجه قاضیلکنک ۲۷ صفر ۳۳۹ تاریخلی اعلامک اسباب نقضیه سی

اعلام مذ کورده مدعی علیها مؤکله مزبوردهنک ذاتی معرفه و وکیلی مزبورک وکالتی
مسجله و یا مثبته اولدیغنه تعرض اولمادیغی کی حادثه صغیره مزبوردهنک امی جانیندن
حاضنه احراسی اولمادیغی تقدیرده معترض علیها مؤکله مزبورده تسلیمی اقتضا ایدر ایکن
بوجه محرر توقیع قلنان حکم اصولنده اولمادیغندن سبکی نقصان و خللدن غیر خالی اولمغین
بوضورنده خصوص مذ کورک ینه محکمه مذ کورده اعاده محاکمه سی ضمننده محله
اعاده سی اقتضا ایدر .

* *

غلطه قاضیلکنک ۲۵ ربیع الآخر ۳۳۹ تاریخی اعلامک اسباب نقضیه ی
اعلام مذ کورده طرفینک افاده لرینه نظراً مهر معجلک مستوفی اولدیغی منضم اولمغه
مدعی علیها وکیلنک اولبابده کی دعواسی غضب قیلندن بولندیغنه متدائر مومی الیه خلوصی
بکک افاده واقعه سیله وکیل مومی الیه ک صدر دعواده موکلنک مسکن شرعیسی اولدیغی
حقنده کی افاده سی نظر دفته آله رق ایجاب شرعیسی ایفا اولنق اقتضا ایدر ایکن بوجه
محرر نفقه تقدیرینه تصدی ایدلسنک وجهی و شهادت مذ کوره نک کفایتی غیر ظاهر اولدیغندن
شایان قبول اولماغین بوضورده استینافاً محاکمه اجرایی ضمننده قاضی عسکرلک محکمه سنه
تودیع اولنق اوزره محکمه سنه اعاده قلندی .

*
* *

اوقاف قاضیلکنک ۲۷ محرم ۳۳۹ تاریخی اعلامک اسباب نقضیه سی
اعلام مذ کورده صورت اشعاره و مربوط تبلیغ علم و خبرنده کی معامله یه نظراً محکی
اعلام غیابی حقنده کی معامله تبلیغیه نک اصول متخذه یه موافقتی غیر ظاهر اولدیغندن
بوجه محرر توقیع قلنان حکم شایان قبول اولماغین بوضورده ایجاب حاکم ایفاسی
ضمننده مذ کور اعلام مربوطیله برابر محکمه سنه اعاده قلندی .

*
* *

غلطه قاضیلکنک ۱۹ جمادی الاولی ۳۳۹ تاریخی اعلامک اسباب نقضیه سی
اعلام مذ کورده مدعی علیه وکیل مزبورک وکالتی مثبت ویا مسجله ودرونده محرر
خصوص حقنده ایدوکنه و مدعیه موکله مزبورده نک عدتی منقضیه اولدیغنه تعرض اولنماقله
برابر مزبورده نک مأمونه اولوب اولمادیغی بر نهج شرعی تحقیق ایتدیرلماش و پدری
بر حیات اولدیغی منضم اولان صغیره مزبوره ایچون دخی لام جدی مدعی علیه مزبور
اوزرینه نفقه تقدیر ایدلسنک وجهی غیر ظاهر بولنش و مخبران مزبورانک طرفینک
احواله و قوف تاملری اولدیغی کوسترلماش اولدیغندن سبکی نقصان و خللدن غیر خالی
اولغین بوضورده استینافاً محاکمه اجرایی ضمننده قاضی عسکرلک محکمه سنه تودیع ایدلک
اوزره محکمه سنه اعاده قلندی .

